

Treći Regionalni ekonomski forum za jugoistočnu Evropu
Miločer, 15-16. novembar 2006.
Obračanje predsjedavajućeg Predsjedništva Bosne i Hercegovine
Nj.E. g. Nebojše Radmanovića

Uvaženi predsjednici,
Ekselencije,
Dame i gospodo,

Veliko mi je zadovoljstvo da vas pozdravim i da se ujedno zahvalim organizatoru na pozivu da učestvujem u radu ovog Forumu. Od suštinske je važnosti za našu evropsku budućnost da kroz ovakve ili slične susrete razmjenjujemo iskustav i podstičemo unapređenje suradnje u svim oblastima koje su od značaja za naše građane i međusobne dobre odnose. To je u našem interesu.

Naš cilje je svakako postizanje kontinuiranog ekonomskog rasta i boljeg života građana uz istovremeno prihvatanje i ostvarivanje evropskih standarda. Uspješnog razvoja nema bez konkurentne privrede. Svjesni smo da nema povećanja konkurentnosti bez kvalitetnog makroekonomskog okruženja, efikasnih institucija, razvijene infrastrukture, savremenih tehnologija, kvalitetnog mikroekonomskog okruženja, jasne strategije razvoja privrede i preduzeća.

Izgradnja konkurentne privrede predstavlja težak i složen proces koji zahtjeva stalan rad, što potvrđuju iskustva razvijenih i uspješnih tranzicionih zemalja. Iz današnje prezentacije se može vidjeti gdje smo u ukupnoj konkurentnosti. Pozicija svake zemlje se najbolje može sagledati upoređivanjem sa drugim.

Raduje me što Slovenija zauzima visok rang u konkurentnosti. To je za nas izazov i nada da slijedeći njena iskustva obezbijedimo bolju poziciju naših privreda u svjetskoj konkurentnosti.

Bosna i Hercegovina je u zaostajanju za svojim susjedima, posebno razvijenim. Razlozi za to, u velikoj mjeri, leže u proteklim ratnim dešavanjima, koja su ostavila posljedice na njenu privredu i stanovništvo. Moram i ovom prilikom istaći veliku podršku međunarodne zajednice, na obnovi infrastrukture. Snažna investiciona aktivnost finansirana donacijama doprinjela je visokoj poslijeratnoj stopi realnog rasta društvenog bruto proizvoda. Ono što nas ohrabruje je činjenica da je ekonomski rast nastavljen i nakon smanjenja strane pomoći. Paralelno sa obnovom započete su kružne reforme ukupnog sistema. Dosadašnji postignuti rezultati u reformama su neujednačeni po pojedinim sektorima.

Dozvolite mi da se osvrnem na neke segmente privrede od kojih zavisi konkurentnost.

Bosna i Hercegovina je bila uspješna u postizanju makroekonomske stabilnosti. Inflacija je smanjena na nivo koji imaju razvijene zemlje. Domaća valuta konvertibilna marka je stabilna, uz stalni rast deviznih rezervi. Fisikalna budžetska ravnoteža je uspostavljena, zahvaljujući uspješnim poreskim reformama, a posebno uvođenjem poreza na dodanu vrijednost. Fisikalna disciplina je pooštrena uspostavljanjem trezora i službe za reviziju budžetskog poslovanja. Bosna i Hercegovina je uspjela da razvijek konkurentan bankarski sektor, uključujući regulatorna i supervizorska tijela. Zahvaljujući ovim reformama uspostavljena je makroekonomska stabilnost i po ovoj komponenti Bosna i Hercegovina je visoko rangirana.

Bosni i Hercegovini nedostaje brži i odlučniji rad na izgradnji i jačanju efikasnih javnih institucija, koje su sposobne obezbijediti veću sigurnost, vladavinu prava, poštovanje ugovora, suzbijanje korupcije i kriminala. Dosadašnje vlade ovom pitanju nisu posvećivale dovoljno pažnju. Pozicija na koju sam nedavno izabran i stranka kojoj pripadam će kroz institucije sistema poseban značaj dati izgradnji efikasnijih institucija, jer smo svjesni da bez dobrog institucionalnog okruženja koje podstiče poduzetništvo i konkurentnost nema privrednog rasta i razvoja.

Bosna i Hercegovina je u velikom zaostajanju u izgradnje potrebne infrastrukture za uključenje u evropske integracije i globalno tržište. Zato, ne iznenađuju ogromni naponi koje ulaže Evropska unija u investiranje infrastrukture da bi obezbjedila relativno jednake uvjete za razvoj svih regija. Putna infrastruktura Bosne i Hercegovine je postala kritičan faktor za brže uključenje BiH privrede u svjetsku privredu. Uložićemo napore da putem koncesija i zajedničkih ulaganja popravimo stanje u oblasti infrastrukture. Ovom prilikom izražavam našu spremnost da kroz zajedničke projekte izgradimo ključne putne pravce koji bi doprinjeli brže razvoju ukupne regije.

Zbog nedovoljnih investicione aktivnosti iz domaćih izvora i skromnog priliva direktnih stranih investicija, Bosna i Hercegovina je u tehnološkom zaostajanju za svijetom. Realno očekujemo da će u narednom periodu priliv stranih investicija biti značajniji: privatizacijom telekoma, naftne industrije i očekivanim ulaganjima u elektro-energetski sektor. To će doprinjeti daljem ekonomskom razvoju, porastu izvoza, uvođenju savremenih tehnologija i obezbjeđivanju novih radnih mjesta. Raduje me što su i susjedne zemlje pokazale interes za ulaganje u elektro-energetski sektor.

Za unapređenje konkurentnosti su veoma bitne i reforme na mikroekonomskom nivou jer se bogatstvo stvara na tom nivou - to jest u sposobnosti preduzeća da proizvede vrijedne robe i usluge na efikasan način.

Nastojaćemo da osmišljeno i sistematski unapređujemo konkurentnost da bi građanima obezbijedili što kvalitetniji život. Uvjeren sam da će naše firme sve više postajati konkurentne i time otvoriti put da budemo prepoznatljiviji po izvozu, a ne samo po uvozu, po proizvodnji, a ne po potrošnji. To možemo postići reformama, uz dalju podršku međunarodne zajednice i njenih finansijskih institucija. Uvjeren sam da za to imamo snage i mogućnosti.

Hvala!